


ONTARIO KIHCI OKIMAW

**KOSHKOSHILIWI
KISKELIHTAMOWI
APACIHTAWIN**




**ROWAN'S
LAW**

PIWAPISK MASILAHIKAN: PAYAKOSHAP PINISH NEWSHAP KA ITAHTOPIPONESICK

Ontario 

Ka kipihcihtaliwahk mishwakaniwila ka wicihikon kici kishishawisiyan iskali pimatisiyan. Atihk ka mishwakaninaliwahk wehtan kici wapahcikateki nesta kici ntokohtaliwahki shakoc tanehkich ka mishwakaninaliwahk mistikwalihk. Mintiphik miswakaniwila tapiskoch ka otamistikwaleshihk awena mola ta lokwan walawitimihk nesta mola moshak ta payahtelakwan. Ata kotakiyak awelihkanak eka ka wapahtakihk ka koshkoshiliwat ka moshiktan maka ka ntawentakosin kici mamihikawiyen kici ati milo pimatisiyan.

Oma apacihtawin ka wicihikon kici kiskilohamasoyan ka koshkoshinaliwahk ke ki ohci kishisawisiyan nesta kanawentakosiyen.



KEWAN ANIMA KOSHKOSHLIWIN?



Koshkoshiliwin e kwalima mintipihk ka miswakaninaliwahk. Mola ta ki wapahcikatew shapwapahcikewilikh nesta piko kotakiya ntohkoloni apacihtawila tapiskoc miyaw shapwapahcikan nanahkkow ka ohtapiskahikatek nesta piko ka kwashkwehtihk shapwapahcikan ka mashkawak. Ka koshkohitik miya taki acipaniw kit itentamowin ka itamahcihoyan nesta ka ihtotaman kekwan.

Ka otamishtikwaneshiliwane ka otamishinan kit ihkwakalikh nesta piko ka otamikwayeshinan ta ohci koshkopaliw miyaw. Ta ohci koshkopaliw miya maskoc nesta ka otamihtihk miyaw kishaspin ka koshkwepihtihk mintip pihci kishtikwalikh. Matika tapishkoch e tawihikot tohana oshtikwlihk nesta piko kelikohk e otamishihk mohcihtahk.

Ka koshkoshinaliwahk mishtahi ta ohci miswakaninaliwan. Maka ata tahtwa nakiskaw ka, koshkoshiliwin ta ki ihkin kici ohci nanosami ahkosinaliwahk nesta wawish wila kilowesh ta ohci ashkosinaliwan tapiskoch kanohkewin minipaliwin nesta piko kohpatentawin.




KE OHCI KIPICHTALIWAHK EKA KICHI KOSHKOTIHK MIYAW

Fishtam kiskilohamaso anima e koshkohtihk miyaw.

Nesta ki ka ihtoten:

- Kishtinac ihtota kici milwashiki kit apacihawila.
- Kishtinac ihtota ki metawewi apacihawila kwayask ka tepishkikateki.
- Kishtenta olashowewila ki metawewilikh.




- Losoneha ki metawewiikh kit atoskewiwilikh nesta piko kiskilomahawatowikamikohk olashowewila ke ihtocikatek miya koskopaliwin ohci nesta.
- Wihtamo kisheyahow ka tapweyelimat tapishkoc onikihikomaw nesta ka nanakacihat ka metwenchi nesta piko ka kiskilomaket. Nisitohta ka ispichi kistentakwahk kici ayamitocikatek ka nanisanelihtakwahk eka awasite ke ohci mishwakalinaliwahk.

E NISITAWILIKATE MIYAWI KOSHKOSHLIWIN

▶ HIT. STOP. SIT.


Kishaspin ka koshkosiliwanek ka ki ihtin peyak nesta pika awasite anihi ke lokwahki nesta piko itaspinewila ka nipitesinateki ota chapashish. Ta moskipaniniliw newach nesta piko mihcheto pisimohkan wawish wila micheto kishikawa wiskata. Peyak piko ka lokwahk nesta piko ka ihtikwe e kwali tepilahk ke ohci kiskelihcikatek e koshkoshihk awela. Mihcet awenihkanak ka koskoshihkihk wiyawihk **mola** anihtaw okiskisiwin.



Tahtwa ka lokwahki nest itaspinewila miya e koshkohtihk.

MIYAWIHK:

- Tewishtikwanew
- Sihtamacihtaw oshtikwan
- kishkwepaliw
- Wi pakomomahcihow nesta piko pakomow
- Pikishelam
- Ta nesitamihikow e washktelik nesta pika e lohtakwanilik kekwaliw.
- Ta ciwehtwakew
- Ta wi pahkisin
- Ta ayeskosiw nesta piko ta lishikalew
- Ta nestosiw
- "Mola piko ta milomahcihow"



MOSHOHOWILIHK:


- Ta watakamisiw (ta wetisiw kici kishiwasit nesta piko kici kishiwentahk).
- Ta kohpatelimiw
- Ta pikiskatam
- Ta nilikelimiw nesta piko ta mikoshkatentam

MITONENCIKALIHK (METONENTAMOWIN):

- Mola kwayask ta mitonentam
- Ta pehkacipaniliw e mitolentahk
- Ta waloshkowmentam
- Mola ta ki kwayaskwentam
- Mola ta ki kanohkew

NIPAWILIHK ITEHKE:


- Kilowesh ta nipaw nesta piko mola ta nipaw
- Ta alimisiw kici liskihkwamit



KEKWALA KA WIHTAMAKOLALIWAHKI:

“Kekwala ka wihtamakolaliwahki” maskoch ka wihtamakon mishi ka pashinewale. Ispi kekwan ka wihtamakoyan sesikoch kewan ka ihkichk ishi kanawapahta makat 911 tepwata.

- Ka moshihtayan ki kwayaw nesta piko ka kakitisiyan
- Lishow kekwan ka wapahtaman
- Ka nilamisiyan nesta ka kakinakpaliyan kispitolihk nesta piko kiskatihk
- Ka kihci tewishtikwaleyan nesta pika awasite ka ati kihci tewishtikwaleyan.
- Ke ocipitikawiyon nesta piko kehtatawin ka ocipitikawiyon kiyawihk
- Aspin eka ka kiskisiyan (e pahkishiniyan aspin)
- E pakomoyan mola pika peyakwa
- E kakitwa ihtiyon, eka e wi minwentaman nesta piko e wi mashihkeyan
- Awasite e ati waloskawentaman




KEWAN KE ATI IHTOTAMAN MINA?

Kishaspin ka ki koshkoshinawane ponilihta anima ka ihtotaman. Wihtamow onikihikomaw okiskilohamakew nesta piko ka tapwelimat ka kisheyahawit ka itamahcihowane. Kishaspin eka ka ihtakwe ki nikihih nesta piko ka kanawelimisk ihtota kotak awena kici tepwatat kici peci nacipahisk. Mola ka nakatikawihtay kici peyakoyan.

Wipac wapam ntokolon nesta piko ka ntoloni iskwewi atosket. mola ka kiwahtay metawewilihk patima ntolonon ka itashiwet kici kiweyan ata kishasin ka itentamowane eka wayesh ka ihtiwane.

Kishaspin ki totem ka wici kiskilohamasomat nesta piko ka wici metawemat ka wihtamask e itamahcihot nesta piko ka lokosikwe maskoc ka koshkoshilikwe wihtamow ka kisheyahawit ka tapweyelimat ke ki wicihtwacik.



E ATI MILOPANILALIWAHK

Mihcet awenihkanak ka koshkoshihkihk ati milopaliwak peyak pinish new tawashtew. Atiht awelihkanak nomanak nawac. Pahpitosk ishilaqwan pehpayak koshkoshiliwin. Kawila peyakwan itenta kotak awena ka ki we milwacihot nesta piko otanahk mina ka ki koshkoshilowane.

Taki ihkin kici nanosamaspinaliwahk ispi ka koskoshinaliwahk. Awelihkanak ta ki moshihowak nanahkaw itamahcihowila ta piskoc tewishtikwanewin, tewisiwin mikwayahk nesta wapiwilihk ahkosiwin atiht misiwa nesta piko wawish wila mihcet pipona. Atiht kilowesh ta ahcipaniliw wintihpiwahk ke ohci moskipanihk kewana tapiskoc eka eki kalohkecik kekwaliv nest eka eki kwayaskwentahihk nesta piko kohpatelimowin. Eka sohki ka ihkih ana awena mihcet mistahi ka mishwakalilit wintiphik eka ka kiket ta ki ohci nanisanisiw e pakipanilik wintihpihk naskawi koshkopaliwin ka ishilihkatek ke ki ohci mistahi mishakaliwit nesta piko nipit.


Mekwac ka ati milopimatisiwane mola kekwalu ka ihtotehtay awasite ke ohci ahkosiyen. Maka mashkco ka nikinehtay ka ihtotaman tapiskoc ka ahcihitisoyan kiskilohamasowila

nesta pika kit ayamiwin e apacihtayan oshki apacihtawila nesta piko ka kanawapahcikatek TV.

Shashipinawewisiwin keci kaliwahk ka koshkoshinaliwahk. Ka anima e pehonaliwahk shakoc kinipa ka kiwe ihtocikateki ka ihtocikatekwapan awasite ta ohci ahkosinaliwan maka lomakesh ta ispanliw e kiwe milo pimatisinaliwahk.

Kishapin ka koshkoshinan wihtamawik kilikihikwak misewe metawe atoskewila pepiskihc nesta kiskilohamatowikamikwa ka metawewi kiskilomakecik nesta okiskilohamakewak.

Maka kiskisi ka kiwaliwahk kiskilohamawatokamikohk mawac listam ispic wila metawilihk.




KA KIWALIWAHK KISKILOHAMAWATOWIKAMIKOHK NESTA METAWEWILIHK

Kishaspin ka miskask ntokolon nesta piko ntololiskwewi atosket ka ki koshkopaniwane ki ntawentakosin kici losonehaman ki metawewi atoskewin ka ohci kiwaliwahk metawewilikh ka losonehikatek nesta piko ki kiskilohamawatowikamikohk onapahtamowin tanta eshi apatisimakahk. Anima ka kiwaliwahk metawewilikh ka losonehikatek nipitesinatewa ke ihtotaman ke ntawentakosiyen ke losonehaman pwamashi kiweyan metawewilikh. Mola ki ntawentakosin kic ashiciyan ka kiskilomasonaliwahk ka kakwecihtaliwahk metawewin nesta piko ka kwecihitowila patima ntokolon nesta piko ntololiskwe atosket ka itwekwe kici kiwewat metawewilikh.

Ka wicihatay ki milo pimatisiw okashkihow nesta metawewi atoskewilikh nesta kiskilohamawatowikamikohk kici oshihtacik onapahtamowiniliw kina ohci ke ohci kiweyan metawilikh nesta piko kiskilohamawatowikamikohk ke ohci kanawentakosiyen. Ayamihikok ki kiskilomahamawatowikamikohk awasite wihtamakewin ohci.

Kekat misiw w ka losolehikateki mina ka kiwaliwahk kiskilohamawatokamikohk kakwecitwemakanwa aliki ka metawecit ta alawepipalik nishitala lew pilish lemitana liyalanew pisimohkana pwamashi neshihkac ka ati kiwecik mina metawewilikh.



KA KIWALIWAHK
KISKILOHAMAWATOKAMIHOHK NESTA METAWEWILIHK

Anima ka tapasilahikatek ota chapashish pakitalamomakan nepite takoskewila nesta ayihtotamowila tahtwa ka miskikateki kekat misiwe losonehamowila ispi ka kiwaliwahk metawewilihk nesta olapahtamowila kiskilohamawatokamikoHK ka kewaliwahk kiskilohamawatokamikoHK.

Tapasilahkan: Tahtwa ka ihtocikateki neshihkac ka kwaliwahk metawewilihk ka losolehikateki

Ka ihtocikatek	Wa mishocikatek	Ka ihtocikateki	Wa otisapahcikatek ihtotamowin
1	Eka awasite ke ohci ihtinaliwahk ihtotawila	Tahto kishikaw ka ayihtocikateki eka awasite ke ohci ihtinaliwahk e ayahcinaliwahk pihci ka ishi wikinaliwahk nesta piko ka wehtahki apatisiwilisha.	Neshihkac tahto kishikaw mila ka ati locihtaliwahk kiskilohamawasowila nesta apatisiwi ihtotamowila.
2	Ka ayahcinaliwahk apishish	Apishish ka ayihtocikateki ka ishpahkepalik mitehi apishish tapiskoc e papamohtaliwahk nesta piko ka apit ka kilikwalwepishkaht metataht pnlish niyaloshap milikoshish.	Ishpahkepalihitwa mitehi
3	Ka tapahikateki metawewila mashkawisiwin ohci.	Pehpiskihc miyaw ihtotamowila tapiskoc pimpahtawin nesta piko papamatahiwewin. Eka ka otamishkatonaliwahk nesta piko ihtotamowila mistikwan ke ohci otamihtihk.	Ayahciwin kici nahkilikatek.
4	Eka ka otamishkatonaliwahk e kiskilohamasonaliwahk mitawewin e kakwecihtaliwahk nesta kotakiya mitawewi kiskilohamasowila	Ka alimahki kilikohk kiskilohamasowila mitawewila. Awasite ke ohci sohkit kiskilohamasowila (kishapin ka apatalikwe)	Kakweciwin, ke ohci mitonicimakahk miyaw nesta awasite ke ohci milopalik mitonelihcikan.
5	Eka ka nakashiwacikatek metawewi kiskilohamawasowin.	Eka ka nakashiwacikatek metawewi kiskilohamawasowin – maka ka otamishkatonaliwahk tanta ka ishi apatahk.	Ke ohci kiwe ihtakwahk mashkawentamowin nesta ke ohci ohtilikatek ke wicihikonaliwahk kashkihowila.
6	Ka kiwe otilikatek metawewin.	Eka ka nakashiwatek metawewin nesta piko ka we ka kwe paskinatoniwahk.	

Pakitashowacikewin ntokololin ka ohcipalik moshak ntawentakwan pwamashi kiwet metawewilihk ka metawet eka ka nakashiwatek kiskilohamawasowin kakwecihtawin, metawewin kiskilohamawasowin nesta piko ka kwe paskilatowin.

Natawi kiskenta kit metawewi mamawi atoskewilihk anihi kihciwe tahkoskewila ke losolehamowane.

KA KIWALIWAHK
KISKILOHAMAWATOKAMIKOHK NESTA METAWEWILIHK

Ashay ka kashkihtan kici ati losonehaman anima kotak ke losonehamawane ispi ka kashkihtawane anihi aloch ka noicihtayan eka awasite ka itamahcihowane nesta piko oshki ahakosowila ka moshihtayan. Kishashpin mekwac anihi kekwana ka losoneham awasite ka ati ahkosiwane ka kipicihtay maka mila ka kiwey locihtahtay anima otalak ka ki peci locihtayan. Anihi pehpayak ka ihtocikateki kanake nistala new tipahikan pisimohkan ta ispalipan kici kishihtaliwahk. Kishaspn eka ka ati milopaniwane nesta piko awasite ka ati ihtiwane mila ka ntawapamahtay ntokolon nesta piko ka ntokoloni iskwewi astoket.



KISKISOMIWEWIN

Kistentakwan kici nakatawentakosiyan ispi ka wi metaweyan metawewila. Ispi koshkopaliwin ka ihtakwahk kiskisi.

- 1. Nisitawila anihi ka lokwahki nesta itaspinewila koshkoshiwilihk maka kipihci**
kekwan ka ihtotaman ata kishaspin ke itentamowane e milo pimatisiyan. Wihtamow ka kisheyahawit.
- 2. Nanatomikosi** ntokolon nesta piko ka ntokokoni iskwewi astosket.
- 3. Nake neshihkac** kiwe kiskilohamawatowikamikohk nesta metawelihk.





Rowan Stringer

ROWAN'S LAW

Oma piwapisko masinahikan ekoma paski alima Rowan's Law koshkoshiliwi kiskelihtamowi apacihtawila. Rowan's Law ekwali ka ohci islihkatek Rowan Stringer ka ishilihkasospan kiskilohamawatokamikohk ka ki tohat Ottawa kihci ihtawilihk ka ki nipispan e sikwanilihk ka ki koshkoshihkipan (eki pakipalik wintihp ka ki mishwakaliwit eki ihtikopane otanahk maka eka eshwa e ohci kikekopale. Awa Rowan itelimakanawn listwa eki koshkoshihk nkotwaso kishikawa mekwac e tohat. Ki koshkoshilikopan maka mola ohci kiskentam wintihp e ntawentakwalilik pitam kici kikelik. Mola nesta onikihikwa nesta ka kiskilohamakot nesta ka kiskilohamakot metawelihk.

Oma apacihtawin mola itencikatew nkoloni mamilohkemowin ki milo pimatisiwi pamihiwewin ohci. Mamilohkemowin milo pimatisiwi pamihiwewin ohci koshkoshiliwi itaspilewila ohci ekoshi ayamihihk ntokolon nesta piko ka ntokoloni atosket.